


# Lekcija 3: *Adaptivno upravljanje s referentnim modelom (MRAC)*

Prof.dr.sc. Jasmin Velagić  
Elektrotehnički fakultet Sarajevo

Kolegij: Adaptivno i robusno upravljanje

2012/2013




# Uvod

- **MRAC (Model Reference Adaptive Control)** – koristi se za rješavanje problema u kojem su **specificirane performanse dane u obliku referentnog modela**.
- Referentni model iskazuje kako izlaz procesa treba idealno da se odaziva na upravljački signal.
- Adaptivni regulator posjeduje dvije petlje:
  - 1) **Unutarnja petlja** sadrži regulator i proces.
  - 2) **Vanjska petlja** podešava parametre regulatora tako da pogreška, razlika izlaza procesa  $y$  i izlaza modela  $y_m$ , bude malog iznosa.
- Originalno uveden za potrebe upravljanja avionom, gdje referentni model opisuje željeni odziv letjelice na kretanja palice (joystick).
- Originalno izveden za determinističke vremenski kontinuirane sisteme.



# Uvod

- MRAC arhitektura



## Uvod

- MRAC se može iskoristiti i za upravljanje vremenski diskretnih i sistema sa stohastičkim poremećajima.
- Mehanizam podešavanja (namještanja) parametara u MRAC-u može se postići na dva načina:
  - **Upotrebom gradijentne metode.**
  - **Primjenom teorije stabilnosti.**





## MIT pravilo

- Promatra se zatvoreni sistem upravljanja kod kojeg regulator ima jedan podesivi parametar  $\theta$ .
- Neka  $e$  označava pogrešku između željenog  $y_m$  i stvarnog  $y$  odziva sistema.
- Jedan od načina podešavanja parametara – **minimiziranje kriterijske funkcije** ( $J$  je funkcional):

$$J(\theta) = \frac{1}{2} e^2$$

- Da bi se ovo postiglo potrebno je mijenjati parametre u smjeru negativnog gradijenta od  $J$ :

$$\frac{\partial \theta}{dt} = -\gamma \frac{\partial J}{\partial \theta} = -\gamma e \frac{\partial e}{\partial \theta} \quad (1)$$



## MIT pravilo

- Prethodni izraz predstavlja **MIT pravilo**.
- Pretpostavlja se da se parametri mijenjaju mnogo sporije od promjenjivih sistema tako da se  $J$  promatra kao funkcija, tada se  $\partial e / \partial t$  može evaluirati pod pretpostavkom da je  $\theta$  konstantno.
- Parcijalna derivacija  $\partial e / \partial t$  naziva se **derivacijom osjetljivosti** – određuje se preko **funkcija osjetljivosti**.
- Postoji mnogo alternativa za kriterijsku funkciju  $J$ .
- Prvi MRAS koristio je sljedeću funkciju:

$$J(\theta) = |e|$$



## MIT pravilo

- Korištenjem gradijentne metode dobiva se:

$$\frac{\partial \theta}{dt} = -\gamma \frac{\partial e}{\partial \theta} \text{sign}(e)$$

- Postoje mnoge druge mogućnosti, kao naprimjer:

$$\frac{\partial \theta}{dt} = -\gamma \text{sign}\left(\frac{\partial e}{\partial \theta}\right) \text{sign}(e)$$

- Ovaj algoritam je poznat pod imenom **sign-sign** algoritam (koristi se dosta u telekomunikacijama).
- Jednadžba (1) može se koristiti za podešavanje većeg broja parametara – tada imamo vektor  $\Theta$ .



## MIT pravilo

- **Primjer 1.** Promatrajmo sistem prvog reda:

$$\frac{dy}{dt} = -ay + bu$$

gdje je  $u$  upravljačka varijabla i  $y$  je mjereni izlaz.


- Pretpostavimo da želimo dobiti zatvoreni sistem (referentni model) dan sa:

$$\frac{dy_m}{dt} = -a_m y_m + b_m u_c$$

- Neka se koristi regulator:

$$u(t) = \theta_1 u_c(t) - \theta_2 y(t)$$





## MIT pravilo

- Parametri regulatora mogu biti izabrani u skladu sa zahtjevom perfektnog slijeđenja:

$$\theta_1 = \theta_1^0 = \frac{b_m}{b} \quad (2)$$

$$\theta_2 = \theta_2^0 = \frac{a_m - a}{b}$$

- Da bi se primijenilo MIT pravilo definira se pogreška:

$$e = y - y_m$$

gdje je  $y$  izlaz zatvorenog sistema.

- Kombiniranjem prethodnih izraza dobiva se:

$$y = \frac{b\theta_1}{s + a + b\theta_2}$$

$s = d/dt$  – diferencijalni operator

## MIT pravilo

- **Derivacije osjetljivosti** dobivaju se pomoću parcijalnih derivacija s obzirom na parametre regulatora  $\theta_1$  i  $\theta_2$ :

$$\frac{\partial e}{\partial \theta_1} = \frac{b}{s + a + b\theta_2} u_c$$
$$\frac{\partial e}{\partial \theta_2} = -\frac{b^2 \theta_1}{(s + a + b\theta_2)^2} u_c = -\frac{b}{s + a + b\theta_2} y$$

(3)

- Izrazi (3) ne mogu se direktno primijeniti jer su parametri  $a$  i  $b$  nepoznati – potrebna je aproksimacija.
- Jedna od mogućih aproksimacija zasniva se na observaciji da je:

$$s + a + b\theta_2^0 = s + a_m$$





## MIT pravilo

- U ovom slučaju parametri osiguravaju perfektno praćenje.
- Zbog toga ćemo koristiti aproksimaciju:

$$s + a + b\theta_2 \approx s + a_m$$

koja je opravdana kada su parametri blizu svojim korektnim vrijednostima.

- Sa ovom aproksimacijom imamo:

$$\frac{\partial \theta_1}{\partial t} = -\gamma \left( \frac{a_m}{s + a_m} u_c \right) e$$

$$\frac{\partial \theta_2}{\partial t} = \gamma \left( \frac{a_m}{s + a_m} y \right) e$$

(4)


## MIT pravilo

- U jednadžbama (4) kombinirani su parametri  $b$  i  $a_m$  sa adaptacijskim pojačanjem  $\gamma'$ , budući da se oni pojavljuju kao produkt  $\gamma' b/a_m$  ( $\gamma = \gamma' b/a_m$ ).
- Predznak parametra  $b$  mora biti poznat da bi se imao ispravan predznak od  $\gamma$ .
- Adaptivni regulator je dinamički sistem sa pet varijabli stanja: izlaz modela, parametri i derivacije osjetljivosti.
- Blok dijagram regulatora u adaptivnom sistemu s referentnim modelom prikazan je na sljedećem slajdu.
- Ponašanje prikazanog sistema testirat će se simulacijom.




# MIT pravilo

- Promatra se sistem sa vrijednostima parametara:  
 $a = 1, b = 0.5$  i  $a_m = b_m = 2, \gamma = 1$ .




# MIT pravilo

- Odzivi izlaza referentnog modela  $y_m$  i izlaza procesa  $y$ , te ulaza u proces  $u$  (na ulazni signal pulsno oblika amplitude 1), prikazani su na slikama.



# MIT pravilo

- Estimirani parametri  $\theta_1$  i  $\theta_2$  za različite vrijednosti adaptacijskog pojačanja  $\gamma$ .
- Najveća promjena parametara kada se upravljački signal mijenja i tada ovi parametri konvergiraju veoma sporo ka ispravnim vrijednostima  $\theta_1^0 = 4$  i  $\theta_2^0 = 2$ .



## MIT pravilo


- Vrijednosti estimiranih parametara u  $t = 100$  [s] iznose  $\theta_1 = 3.2$  i  $\theta_2 = 1.2$ .
- Estimirani parametri brže konvergiraju ka svojim tačnim vrijednostima s porastom adaptacijskog pojačanja  $\gamma$ .
- Upravljanje je prilično dobro čak i za  $t = 10$  [s], što je posljedica činjenice da su estimirani parametri  $\theta_1$  i  $\theta_2$  povezani međusobno na specifičan način, iako se značajno razlikuju od njihovih tačnih vrijednosti.
- Povezanost parametara regulatora  $\theta_1$  i  $\theta_2$  kada je sistem simuliran u trajanju od  $t = 500$  [s] prikazana je na sljedećoj slici.
- Estimirani parametri brzo pristupaju isprekidanoj liniji  $\theta_1 = 3.2$  i  $\theta_2 = \theta_1 - a/b$ .





# MIT pravilo

- Ova linija predstavlja vrijednosti parametara koji osiguravaju da zatvoreni sistem ima korektno pojačanje u stacionarnom stanju.



# MIT pravilo

- Sumarno o MIT pravilu:
  1. **Zahtijeva se izračunavanje funkcija osjetljivosti.**
  2. **Radi dobro za male vrijednosti pojačanja i za stabilne početne uvjete.**
  3. **Konvergencija ovisi o amplitudi ulaznog signala i vrijednosti adaptacijskog pojačanja.**
- **Poboljšanje:** Izbjeći utjecaj ulaznog signala na promjenu parametara.



# Parametarska adaptacija–kriterij Lyapunova



- **Kriterij stabilnosti Lyapunova**
- Lyapunov je ispitivao nelinearnu diferencijalnu jednađbu:

$$\frac{dx}{dt} = f(x), \quad f(0) = 0 \quad (5)$$

- Da bi se garantirala postojanost i jednoznačnost rješenja jednađbe uvode se pretpostavke na funkciju  $f(x)$ .
- Dovoljna pretpostavka je da je  $f(x)$  lokalna Lipschitz-ova funkcija, to jest

$$\|f(x) - f(y)\| \leq L\|x - y\|, \quad L > 0$$

u okolici ishodišta.

# Parametarska adaptacija–kriterij Lyapunova



- **Definicija 1. Stabilnost po Lyapunovu:**
- Rješenje  $x(t) = 0$  diferencijalne jednačbe (5) je stabilno ako za zadani  $\varepsilon > 0$  postoji  $\delta(\varepsilon) > 0$  takav da sva rješenja sa inicijalnim uvjetima:

$$\|x(0)\| < \delta$$

imaju svojstvo:

$$\|x(t)\| \leq \varepsilon \text{ za } 0 \leq t < \infty$$

- Rješenje je nestabilno ako nije stabilno.
- Rješenje je asimptotski stabilno ako je stabilno i ako se može naći  $\delta$  takav da sva rješenja sa  $\|x(0)\| < \delta$  imaju svojstvo da  $\|x(t)\| \rightarrow 0$  kada  $t \rightarrow \infty$ .

# Parametarska adaptacija–kriterij Lyapunova



- Lyapunov je uveo metodu za ispitivanje stabilnosti zasnovanu na pronalaženju funkcije sa specijalnim svojstvima.
- **Definicija 2. Pozitivno definitne i semidefinitne funkcije**
- Kontinuirana derivabilna funkcija  $V : R^n \rightarrow R$  je pozitivno definitna u regionu  $U \subset R^n$ , koji sadrži ishodište, ako je:
  1.  $V(0) = 0$
  2.  $V(x) > 0, x \in U \text{ i } x \neq 0$
- Funkcija je pozitivno semidefinitna ako se uvjet 2. zamijeni sa:


$$V(x) \geq 0$$

# Parametarska adaptacija–kriterij Lyapunova

- Ilustracija metode Lyapunova za ispitivanje stabilnosti.



22/74



# Parametarska adaptacija–kriterij Lyapunova



23/74

- **Teorem 1.** Kriterij stabilnosti po Lyapunovu za vremenski invarijantne sisteme
- Ako postoji funkcija  $V : R^n \rightarrow R$  koja je pozitivno definitna tako da su njene derivacije duž rješenja jednačbe (5):

$$\frac{dV}{dt} = \frac{\partial V^T}{\partial x} \frac{dx}{dt} = \frac{\partial V^T}{\partial x} f(x) = -W(x)$$

negativno semidefintne, tada je rješenje  $x(t)=0$  jednačbe (5) stabilno.

- Ako je  $dV/dt$  negativno definitno, tada je rješenje također asimptotski stabilno.
- Funkcija  $V$  zasniva se **Lyapunovljevoj funkciji** za sistem (5).

# Parametarska adaptacija–kriterij Lyapunova



- Osim toga, ako je:

$$\frac{dV}{dt} < 0 \text{ i } V(x) \rightarrow \infty \text{ kada } \|x\| \rightarrow \infty$$

tada je rješenje globalno asimptotski stabilno.

- U nastavku se pokazuje kako se **teorija stabilnosti po kriteriju Lyapunova može koristiti za konstrukciju algoritma za podešavanje parametara u adaptivnim sistemima.**
- Osnovna ideja sastoji se u tome da se pronađe funkcija Lyapunova i mehanizam adaptacije koji će osigurati da pogreška slijeđenja  $e = y - y_m$  teži ka 0.



# Parametarska adaptacija–kriterij Lyapunova



25/74

- **Primjer 2.** MRAS prvog reda zasnovan na teoriji stabilnosti. Promatrajmo sistem iz primjera 1. Željeni (referentni) odziv je dan sa:

$$\frac{dy_m}{dt} = -a_m y_m + b_m u_c$$

gdje je  $a_m > 0$  i referentni signal ograničen.

- Proces je opisan sa:

$$\frac{dy}{dt} = -ay + bu$$

- Regulator je:

$$u = \theta_1 u_c - \theta_2 y$$

# Parametarska adaptacija–kriterij Lyapunova



26/74

- Pogreška:

$$e = y - y_m$$

- Budući da želimo pogrešku učiniti malom, prirodno je derivirati diferencijalnu jednadžbu za pogrešku.
- U tom slučaju imamo:

$$\frac{de}{dt} = -a_m e - (b\theta_2 + a - a_m)y + (b\theta_1 - b_m)u_c$$

- Pogreška teži nuli kada su parametri jednaki parametrima izraza (2).
- Potrebno je kreirati mehanizam adaptacije parametara koji će parametre  $\theta_1$  i  $\theta_2$  približiti njihovim željenim vrijednostima.

## Parametarska adaptacija–kriterij Lyapunova

- Za navedenu svrhu pretpostavimo da je  $\gamma > 0$  i uvedimo sljedeću kvadratnu funkciju:

$$V(e, \theta_1, \theta_2) = \frac{1}{2} \left( e^2 + \frac{1}{b\gamma} (b\theta_2 + a - a_m)^2 + \frac{1}{b\gamma} (b\theta_1 - b_m)^2 \right)$$

- Funkcija poprimu nultu vrijednost kada je  $e = 0$  i kada su parametri regulatora jednaki njihovim korektnim vrijednostima.
- **Da bi se funkcija okarakterizirala kao funkcija Lyapunova, derivacija  $dV/dt$  mora biti negativna.**



# Parametarska adaptacija–kriterij Lyapunova



- Derivacija navedene funkcije je:

$$\begin{aligned} \frac{dV}{dt} &= e \frac{de}{dt} + \frac{1}{\gamma} (b\theta_2 + a - a_m) \frac{d\theta_2}{dt} + \frac{1}{\gamma} (b\theta_1 - b_m) \frac{d\theta_1}{dt} \\ &= -a_m e^2 + \frac{1}{\gamma} (b\theta_2 + a - a_m) \left( \frac{d\theta_2}{dt} - \gamma e \right) \\ &\quad + \frac{1}{\gamma} (b\theta_1 - b_m) \left( \frac{d\theta_1}{dt} + \gamma u_c e \right) \end{aligned}$$

- Ako se parametri osvježavaju na sljedeći način:

$$\boxed{\frac{d\theta_1}{dt} = -\gamma u_c e, \quad \frac{d\theta_2}{dt} = \gamma e} \quad (6)$$

# Parametarska adaptacija–kriterij Lyapunova

dobiva se:


$$\frac{dV}{dt} = -a_m e^2$$

- Derivacija  $V$  s obzirom na vrijeme  $t$  je negativno semidefinitna, ali nije negativno definitna.
- Ovo implicira da je  $V(t) \leq V(0)$  i da  $e_1$ ,  $\theta_1$  i  $\theta_2$  moraju biti ograničeni.
- Također  $y = e + y_m$  mora biti ograničeno.
- Korištenjem Teorema 2. (pogledati slajd br. 38.) dobiva se:

$$\frac{d^2V}{dt^2} = -2a_m e \frac{de}{dt} = -2a_m e(-a_m e - (b\theta_2 + a - a_m)y + (b\theta_1 - b_m)u_c)$$

# Parametarska adaptacija–kriterij Lyapunova

- Budući da su  $u_c$ ,  $e$  i  $y_m$  ograničeni, slijedi da je  $\dot{V}$  ograničena ( $dV/dt$  je uniformno neprekinuta).
- Iz Teorema 1. slijedi da će  $e$  težiti ka nuli.



## Parametarska adaptacija–kriterij Lyapunova

- Međutim, **nije potrebno da parametri teže ka svojim korektnim vrijednostima, bitno je samo da su oni ograničeni.**
- Za konvergenciju parametara potrebno je nametnuti uvjete na pobuđenost sistema.
- Pravilo adaptacije (6) je slično MIT pravilu (4), ali su **derivacije osjetljivosti zamijenjene drugim signalima.**
- Razlika sistema (prethodni slajd) sa pravilom adaptacije zasnovanim na Lyapunovljevoj teoriji stabilnosti i sistema sa MIT pravilom je u tome da u slučaju **Lyapunova nema filtriranja signala  $u_c$  i  $y$ .**
- U oba slučaja zakon podešavanja parametara je:

$$\frac{d\Theta}{dt} = \gamma \varphi e$$



# Parametarska adaptacija–kriterij Lyapunova

- U prethodnom izrazu  $\Theta$  je vektor parametara i

$$\varphi = [-u_c \quad y]^T$$

za Lyapunovljevo pravilo i

$$\varphi = \frac{a_m}{s + a_m} [-u_c \quad y]^T$$

za MIT pravilo.


- **Pravilo podešavanja dobiveno Lyapunovljevom teorijom je jednostavnije, budući da ne zahtijeva filtriranje signala.**
- Na sljedećoj slici prikazani su rezultati simulacija za sistem  $G(s)=0.5/(s+1)$  i referentni model  $G_m=2/(s+2)$ .





# Parametarska adaptacija–kriterij Lyapunova

- Rezultati simulacije za vrijednosti parametara  $a = 1$ ,  $b = 0.5$ ,  $a_m = b_m = 2$  i  $\gamma = 1$ .
- Na prvoj slici su odzivi procesa i modela, a na drugoj upravljačkog signala na ulazni signal pulsnog oblika amplitude 1.




# Parametarska adaptacija–kriterij Lyapunova

- Dobiveni rezultati su slični rezultatima dobivenim sa MIT pravilom.
- Kod Lyapunovljevog pravila prilično velike vrijednosti adaptacijskog pojačanja  $\gamma$  mogu se koristiti.



34/74



## Vremenski promjenjivi sistemi - Lyapunov

- Promatraju se vremenski promjenjive diferencijalne jednačbe tipa:

$$\frac{dx}{dt} = f(x, t) \quad (7)$$

- Ishodište je ravnotežna tačka za jednačbu (7) ako je  $f(0, t) = 0, \forall t \geq 0$ .
- Pretpostavlja se da je  $f$  funkcija čija rješenja postoje za sve  $\forall t \geq t_0$ . Da bi se ovo garantiralo, pretpostavlja se da je  $f$  po dijelovima kontinuirana po  $t$ -u i lokalno Lipschitzova po  $x$ -u u okolini  $x(t) = 0$ .
- U nastavku će se ispitivati stabilnost rješenja  $x(t) = 0$ .



## Vremenski promjenjivi sistemi - Lyapunov

- U vremenski promjenjivom sistemu rješenje će ovisiti o  $t$  jednako kao i o početnom vremenu  $t_0$ .
- Ovo implicira da će granica  $\delta$  u definiciji 1. ovisiti o  $\varepsilon$  i  $t_0$ .
- Definicija stabilnosti se može redefinirati da posjeduje svojstva uniformne stabilnosti s obzirom na inicijalno vrijeme.
- **Definicija 3. Uniformna Lyapunovljeva stabilnost.** Rješenje  $x(t) = 0$  jednadžbe (7) je **uniformno stabilno** ako za  $\varepsilon > 0$  postoji  $\delta(\varepsilon) > 0$ , neovisno o  $t_0$ , takvo da je:

$$\|x(t_0)\| < \delta \Rightarrow \|x(t)\| < \varepsilon \quad \forall t \geq t_0 \geq 0$$



## Vremenski promjenjivi sistemi - Lyapunov

- Rješenje je **uniformno asimptotski stabilno** ako je uniformno stabilno i ako postoji  $c > 0$ , neovisno o  $t_0$ , takvo da  $x(t) \rightarrow 0$  kako  $t \rightarrow \infty$ , uniformno po  $t_0$ , za sve  $\|x(t_0)\| < c$ .
- Za definiranje teorema stabilnosti potrebno je prvo uvesti **klasu  $K$  funkcija**.
- **Definicija 4. Klasa  $K$  funkcija.** Za kontinuiranu funkciju  $\alpha : [0, \alpha) \rightarrow [0, \infty)$  kaže se da pripada klasi  $K$  funkcija ako je ona striktno rastuća i  $\alpha(0) = 0$ . Za ovu funkciju se kaže da pripada klasi  $K_\infty$  ako je  $\alpha = \infty$  i  $\alpha(r) \rightarrow \infty$  kako  $r \rightarrow \infty$ .





## Vremenski promjenjivi sistemi - Lyapunov

- Za vremenski promjenjive sisteme vrijedi sljedeći teorem stabilnosti.
- **Teorem 2. Lyapunovljev teorem stabilnosti: vremenski promjenjivi sistem.**
- Neka je  $x = 0$  ravnotežna tačka za jednadžbu (7) i  $D = \{x \in \mathbb{R}^2 \mid \|x\| < r\}$ . Neka je  $V$  kontinuirano derivabilna funkcija takva da je:

$$\alpha_1(\|x\|) \leq V(x, t) \leq \alpha_2(\|x\|)$$

$$\frac{dV}{dt} = \frac{\partial V}{\partial t} + \frac{\partial V}{\partial x} f(x, t) \leq -\alpha_3(\|x\|)$$

## Vremenski promjenjivi sistemi - Lyapunov

za  $\forall t \geq 0, \forall t \in D$ , gdje su  $\alpha_1, \alpha_2$  i  $\alpha_3$  funkcije klase  $K$ , tada je  $x = 0$  uniformno asimptotski stabilno rješenje.

- Kada se koristi Lyapunovljeva teorija na adaptivno upravljanje, često se nalazi da je  $dV/dt$  samo negativno semidefinitna funkcija.
- Ovo implicira da se dodatni uvjeti moraju nametnuti na sistem.
- Sljedeća lema daje koristan rezultat – **Barbalatova lema**.

## Vremenski promjenjivi sistemi - Lyapunov

- **Lema 1. Barbalatova lema.** Ako je  $g$  realna funkcija realne varijable  $t$ , definirana i uniformno kontinuirana za  $t \geq 0$ , i ako granica integrala:

$$\int_0^t g(s)ds$$

kada  $t \rightarrow \infty$  postoji i predstavlja konačan broj, tada:

$$\lim_{t \rightarrow \infty} g(t) = 0$$

- Vremenska derivacija Lyapunovljeve funkcije  $V$  ovisi o upravljačkom signalu i ostalim signalima u sistemu.
- Ako su ovi signali ograničeni tada se Lema 1. može koristiti na  $dV/dt$  za dokaz stabilnosti.





## Vremenski promjenjivi sistemi - Lyapunov

- **Teorem 3. Ograničenost i konvergencija skupa**
- Neka je  $D = \{x \in \mathbb{R}^2 \mid \|x\| < r\}$  i pretpostavimo da je  $f(x, t)$  lokalno Lipschitzova funkcija na  $D \times [0, \infty)$ . Neka je  $V$  kontinuirano diferencijabilna funkcija takva da je:

$$\alpha_1(\|x\|) \leq V(x, t) \leq \alpha_2(\|x\|)$$

i

$$\frac{dV}{dt} = \frac{\partial V}{\partial t} + \frac{\partial V}{\partial x} f(x, t) \leq -W(x) \leq 0$$

$\forall t \geq 0, \forall t \in D$ , gdje su  $\alpha_1$  i  $\alpha_2$  klase  $K$  funkcija definiranih na  $[0, r]$  i neka je  $W(x)$  kontinuirana na  $D$ .



## Vremenski promjenjivi sistemi - Lyapunov



- Nadalje se pretpostavlja da je  $dV/dt$  uniformno kontinuirana po  $t$ .
- Tada sva rješenja jednadžbe (7) sa  $\|x(t_0)\| < \alpha_2^{-1}(\alpha_2(r))$  su ograničena i zadovoljavaju:

$$W(x(t)) \rightarrow 0 \text{ kada } t \rightarrow \infty$$

- Osim toga, ako sve pretpostavke vrijede globalno i  $\alpha_1$  pripada klasi  $K_\infty$ , tada je prethodni izraz istinit za sve  $x(t_0) \in \mathcal{R}^n$ .
- U ovom teoremu je pretpostavljeno da je  $dV/dt$  uniformno kontinuirana, to jest kontinuiranost je neovisna o  $t$ .
- Dovoljan uvjet za ovo je da je  $\dot{V}$  ograničen.

# Sistem u prostoru stanja-kriterij Lyapunova



- Korištenjem Lyapunovljeve teorije odrediti stabilni MRAS za općenit linearan sistem.
- Ciljevi:
  1. Pronaći strukturu regulatora.
  2. Izvesti jednadžbu pogreške.
  3. Naći Lyapunovljevu funkciju i koristiti je za dobivanje zakona podešavanja parametara tako da pogreška teži ka nuli.
- Promatra se linearan sistema u prostoru stanja:

$$\frac{dx}{dt} = Ax + Bu$$

(8)

## Sistem u prostoru stanja-kriterij Lyapunova

- Pretpostavimo da se želi pronaći zakon upravljanja takav da je odziv na upravljačke signale dan kao:

$$\frac{dx_m}{dt} = A_m x_m + B_m u_c$$

- Opći linearni upravljački zakon za sistem opisan jednačbom (8) je:

$$u = Mu_c - Lx$$

- Na temelju navedenih jednačbi, zatvoreni sistem upravljanja postaje:

$$\frac{dx}{dt} = (A - BL)x + BMu_c = A_c(\Theta)x + B_c(\Theta)u_c$$



44/74

(9)

(10)

# Sistem u prostoru stanja-kriterij Lyapunova

- Zakon upravljanja može se parametrirati na razne načine.
- Svi elementi matrica  $L$  i  $M$  mogu biti slobodno odabrani.
- Također, mogu postojati ograničenja između parametara.
- Opći slučaj se može uspostaviti pretpostavljajući da je zatvoreni sistem opisan jednačbom (9), gdje matrice  $A_c$  i  $B_c$  ovise o vektoru parametara  $\Theta$ .



# Sistem u prostoru stanja-kriterij Lyapunova

## Uvjeti kompatibilnosti

- Nije uvijek mogući pronaći  $\Theta$  za koji je sistem (10) ekvivalentan sistemu (9).
- Dovoljan uvjet je da postoji vrijednost parametra  $\Theta^0$  takva da je:

$$\begin{aligned}A_c(\Theta^0) &= A_m \\ B_c(\Theta^0) &= B_m\end{aligned}$$

- Ovaj uvjet za perfektno slijeđenje modela je strog.
- Kada su svi parametri u zakonu upravljanja slobodno odabrani imamo:

$$A - A_m = BL$$

$$B_m = BM$$



## Sistem u prostoru stanja-kriterij Lyapunova



- Prethodni izraz znači da su stupci matrica  $A - A_m$  i  $B_m$  linearna kombinacija stupaca matrice  $B$ .
- Ako su ovi uvjeti zadovoljeni i stupci matrica  $B$  i  $B_m$  linearno neovisni, tada su matrice  $L$  i  $M$  dane sa:

$$L = (B^T B)^{-1} B^T (A - A_m) = (B_m^T B)^{-1} B_m^T (A - A_m)$$
$$M = (B^T B)^{-1} B^T B_m = (B_m^T B)^{-1} B_m^T B_m$$

### Jednadžba pogreške

- Pogreška slijeđenja:  $e = x - x_m$
- Derivacija pogreške:

$$\frac{de}{dt} = \frac{dx}{dt} - \frac{dx_m}{dt} = Ax + Bu - A_m x_m - B_m u_c$$

## Sistem u prostoru stanja-kriterij Lyapunova



- Uvrštavanjem  $\mathbf{x}_m = \mathbf{e} - \mathbf{x}$  u prethodni izraz dobiva se:

$$\begin{aligned}\frac{d\mathbf{e}}{dt} &= \mathbf{A}_m \mathbf{e} + (\mathbf{A} - \mathbf{A}_m - \mathbf{BL})\mathbf{x} + (\mathbf{BM} - \mathbf{B}_m)\mathbf{u}_c \\ &= \mathbf{A}_m \mathbf{e} + (\mathbf{A}_c(\boldsymbol{\Theta}) - \mathbf{A}_c(\boldsymbol{\Theta}_0))\mathbf{x} + (\mathbf{B}_c(\boldsymbol{\Theta}) - \mathbf{B}_c(\boldsymbol{\Theta}_0))\mathbf{u}_c \\ &= \mathbf{A}_m \mathbf{e} + \boldsymbol{\Psi}(\boldsymbol{\Theta} - \boldsymbol{\Theta}^0)\end{aligned}$$

- Da bi se dobila ova jednakost, pretpostavljeno je da su zadovoljeni uvjeti perfektnog slijeđenja, pri čemu se za ovo zahtijeva postojanje  $\boldsymbol{\Theta}$ .
- Za izvođenje zakona kojim se podešavaju parametri, uvodi se Lyapunovljeva funkcija:

$$V(\mathbf{e}, \boldsymbol{\Theta}) = \frac{1}{2} \left( \gamma \mathbf{e}^T \mathbf{P} \mathbf{e} + (\boldsymbol{\Theta} - \boldsymbol{\Theta}^0)^T (\boldsymbol{\Theta} - \boldsymbol{\Theta}^0) \right) \quad (11)$$



## Sistem u prostoru stanja-kriterij Lyapunova



- U izrazu (11)  $P$  je pozitivno definitna matrica i  $V$  je pozitivno definitna funkcija.
- Da bi se ispitalo da li  $V$  može biti funkcija Lyapunova, računa se njena derivacija po vremenu:

$$\begin{aligned}\frac{dV}{dt} &= -\frac{\gamma}{2} \mathbf{e}^T \mathbf{Q} \mathbf{e} + \gamma (\boldsymbol{\Theta} - \boldsymbol{\Theta}^0) \boldsymbol{\Psi}^T \mathbf{P} \mathbf{e} + (\boldsymbol{\Theta} - \boldsymbol{\Theta}^0)^T \frac{d\boldsymbol{\Theta}}{dt} \\ &= -\frac{\gamma}{2} \mathbf{e}^T \mathbf{Q} \mathbf{e} + (\boldsymbol{\Theta} - \boldsymbol{\Theta}^0)^T \left( \frac{d\boldsymbol{\Theta}}{dt} + \gamma \boldsymbol{\Psi}^T \mathbf{P} \mathbf{e} \right)\end{aligned}$$

gdje je  $\mathbf{Q}$  pozitivno definitna matrica takva da je:

$$\mathbf{A}_m^T \mathbf{P} + \mathbf{P} \mathbf{A}_m = -\mathbf{Q}$$

# Sistem u prostoru stanja-kriterij Lyapunova

- Prethodni izraz proizlazi iz sljedećeg teorema.
- **Teorem 4. Lyapunovljeve funkcije za linearne sisteme.** Pretpostavimo da je linearni sistem

$$\frac{dx}{dt} = Ax$$

(12)

asimptotski stabilan. Tada za svaku simetričnu pozitivno definitnu matricu  $Q$  postoji jedinstvena pozitivno definitna matrica  $P$  takva da je:

$$A^T P + PA = -Q$$

Osim toga, funkcija  $V(x) = x^T P x$  je Lyapunovljeva funkcija za jednadžbu (12).



# Sistem u prostoru stanja-kriterij Lyapunova



- Ako je izabran zakon podešavanja parametara:

$$\frac{d\Theta}{dt} = -\gamma \Psi^T P e$$

dobiva se:

$$\frac{dV}{dt} = -\frac{\gamma}{2} e^T Q e$$

- Vremenska derivacija Lyapunovljeve funkcije je negativno semidefinitna.
- Korištenjem **Barbalatove leme** dokazuje se da pogreška teži ka nuli. Pretpostavljeno je da su sva stanja  $x$  mjerljiva.

# Signalna adaptacija s referentnim modelom

- Kompenzacija promjene parametara sistema ili nelinearnosti mogu se ostvariti pomoću: **regulatora s promjenjivim pojačanjem** (GS), **samopodesivim regulatorom** (STR) ili **adaptivnim upravljanjem s referentnim modelom** (MRAC).
- **Parametarska adaptacija s referentnim modelom sadrži integralne članove, odnosno zahtijeva više iteracija za podešavanje optimalnih parametara regulatora i novo podešenje za promjenjene parametre procesa.**
- **Prednost signalne adaptacije je da nema integralnih članova i zbog toga djeluje trenutno (u prvoj iteraciji) na svaku promjenu u ponašanju sistema.**




# Signalna adaptacija s referentnim modelom

- Algoritam signalne adaptacije generira **dodatni upravljački signal**  $u_A$  koji minimizira razliku između izlaza referentnog modela  $y_m$  i podesivog sistema  $y$ .
- Signal adaptacije djeluje na ulaz sistema tako da **mehanizam adaptacije formira vanjsku upravljačku petlju, dok podesivi sistem s osnovnim regulatorom formira unutarnju upravljačku petlju.**
- Druga mogućnost je da signal adaptacije djeluje iza osnovnog regulatora, tako da **mehanizam adaptacije formira unutarnju upravljačku petlju, a osnovni regulator djeluje u vanjskoj petlji.**





# Signalna adaptacija s referentnim modelom

- Adaptivni sistem s referentnim modelom i algoritmom signalne adaptacije u vanjskoj petlji.



# Signalna adaptacija s referentnim modelom

- Adaptivni sustav s referentnim modelom i algoritmom signalne adaptacije u unutarnjoj petlji



# Signalna adaptacija s referentnim modelom

- Linearni vremenski nepromjenjivi SISO sistem u prostoru stanja:

$$\dot{\mathbf{x}}(t) = \mathbf{A}\mathbf{x}(t) + \mathbf{b}u(t) \quad (13)$$


gdje su:

- $\mathbf{A}$  – matrica sistema ( $n \times n$ ),
- $\mathbf{b}$  – ulazni vektor sistema ( $n \times 1$ ),
- $\mathbf{x}$  – vektor varijabli stanja sistema ( $n \times 1$ ),
- $u$  – upravljački signal sistema ( $1 \times 1$ ).





# Signalna adaptacija s referentnim modelom




- Referentni model:

$$\dot{\mathbf{x}}_m(t) = \mathbf{A}_m \mathbf{x}_m(t) + \mathbf{b}_m u_x(t) \quad (14)$$

gdje su:

- $\mathbf{A}_m$  – matrica referentnog modela ( $n \times n$ ),
- $\mathbf{b}_m$  – ulazni referentnog modela ( $n \times 1$ ),
- $\mathbf{x}_m$  – vektor varijabli stanja referentnog modela ( $n \times 1$ ),
- $u_x$  – referentni signal  $u_r$  ili  $u_R$  ( $1 \times 1$ ), ovisno o strukturi adaptacije.

# Signalna adaptacija s referentnim modelom



- Vektor pogreške slijeđenja:

$$\mathbf{e}(t) = \mathbf{x}_m(t) - \mathbf{x}(t)$$

- Iz opisa sistema i referentnog modela slijedi izraz za derivaciju pogreške:

$$\dot{\mathbf{e}}(t) = \dot{\mathbf{x}}_m(t) - \dot{\mathbf{x}}(t) = \mathbf{A}_m \mathbf{e}(t) + \boldsymbol{\sigma}(t) + \mathbf{b}u_A(t)$$

pri čemu je vektor  $\boldsymbol{\sigma}$  određen varijacijama parametara sistema (procesa) od referentnog modela.

- Stabilnost adaptivnog regulatora može se ispitati pomoću kriterija stabilnosti Lyapunova.

## Signalna adaptacija s referentnim modelom

- Prikladna Lyapunovljeva pozitivno definitna funkcije je kvadratnog oblika:

$$V = \frac{1}{2} e^T P e$$

gdje je  $P$  pozitivno definitna matrica dana sa:

$$A^T P + P A = -Q$$

$Q$  je proizvoljno definitna matrica.

- Derivacija funkcije Lyapunova je:

$$\dot{V} = \dot{e}^T P e + e^T P \dot{e}$$



# Signalna adaptacija s referentnim modelom



- Kombiniranjem prethodnih izraza dobiva se:

$$\dot{V} = \dot{e}^T Q e + 2e^T P \sigma - 2e^T P b u_A \quad (15)$$

gdje je  $u_A$  **signal adaptacije**.

- Derivacija funkcije Lyapunova (15) bit će negativno definitna za sljedeći oblik signala adaptacije:

$$\begin{aligned} u_A &= h \cdot \text{sign}(v(t)) \\ v(t) &= d^T e(t), \quad d^T = b^T P \end{aligned} \quad (16)$$

gdje su:  $v$  - poopćena pogreška,

$h$  – koeficijent adaptacije,

$d^T$  – težinski vektor koeficijenata pogreške.

## Signalna adaptacija s referentnim modelom



- Algoritam adaptacije s funkcijom predznaka (16) generira trajne oscilacije u signalu adaptacije  $u_A$ , što nije pogodno u sistemima automatskog upravljanja.
- Umjesto funkcije predznaka uvodi se funkcija zasićenja (*sat*):

$$u_A(t) = \text{sat}(v(t), h) = \begin{cases} h, & \text{za } v(t) > v_s \\ K_v v(t), & \text{za } |v(t)| \leq v_s \\ -h, & \text{za } v(t) < -v_s \end{cases} \quad (17)$$

gdje su:  $h$  – iznos zasićenja algoritma,

$K_v$  – koeficijent pojačanja poopćene pogreške,

$v_s$  – područje linearnosti funkcije zasićenja.

## Signalna adaptacija s referentnim modelom

- Koeficijenti matrice  $P$ , a time i  $d^T$  mogu se odrediti iz jednadžbe:

$$A^T P + PA = -Q$$

uz dane koeficijente matrice  $Q$  (obično se uzima  $Q = I$ ,  $I$  je jedinična matrica).


- Međutim, tako određeni težinski koeficijenti ne daju najbolju adaptaciju, tj. najmanju vrijednost pogreške u prijelaznoj pojavi pa stoga ti težinski koeficijenti nisu optimalni.
- Zbog toga se oni određuju optimiranjem uz pomoć programskih paketa (Matlab Optimization Toolbox).



# Signalna adaptacija s referentnim modelom



- **Primjer 3.** Beskontaktni elektronički komutirani motor (BLDC) s permanentnim magnetima na rotoru.
- Blokovska shema kaskadnog sistema regulacije brzine vrtnje BLDC pogona.



# Signalna adaptacija s referentnim modelom

- Adaptivni regulator izveden je u strukturi prema slici sa slajda br. 54., odnosno u vanjskoj petlji.
- Kao varijable stanja odabrane su mjerena brzina vrtnje, te njena prva i druga derivacija.
- Derivacije se računaju aproksimativno prema izrazima:

$$G_1(z) = \frac{\dot{\Omega}_{mr}(z)}{\Omega_{mr}(z)} = \frac{z-1}{T_d z}$$

$$G_2(z) = \frac{\ddot{\Omega}_{mr}(z)}{\Omega_{mr}(z)} = \frac{z^2 - 2z + 1}{T_d^2 z^2}$$

gdje je  $T_d = 50 \mu\text{s}$  vrijeme diskretizacije algoritma.



# Signalna adaptacija s referentnim modelom



- Referentni model je odabran da dobro opisuje ponašanje pogona s nominalnim parametrima:

$$G_m(s) = \frac{\Omega_{mmr}(z)}{U_r(z)} = \frac{1}{(1 + T_f s)(1 + 2\zeta T_n s + T_n^2 s^2)}$$

gdje je  $\Omega_{mmr}$  izlaz referentnog modela, a parametri  $\zeta = 0.318$  i  $T_n = 1.197$  ms su dobiveni optimiranjem.

- Težinski koeficijenti pogreške određeni su optimiranjem prema ISE integralnom kriteriju:

$$I = \int e^2(t) dt$$

# Signalna adaptacija s referentnim modelom



66/74

- U prethodnom izrazu je:

$$e(t) = \omega_{mmr}(t) - \omega_{mr}(t)$$

- Optimiranje je provedeno uz djelovanje referentne veličine  $u_r(t) = 0.1 S(t)$ , iznos zasićenja  $h = 0.1$  i koeficijent pojačanja  $K_v = 1$ .
- Rezultat optimiranja je:

$$\mathbf{d}^T = [18.018 \quad 4.429 \cdot 10^{-3} \quad 1.438 \cdot 10^{-6}]$$

## Signalna adaptacija s referentnim modelom

- PI regulator unutarnje petlje po struji armature projektiran je po tehničkom optimumu (kompensacija najveće vremenske konstante u petlji), za nadvišenje signala povratne veze struje armature  $\sigma_{mi} = 5\%$  te njegovi parametri iznose:

$$K_{pi} = 1.267, \quad T_{ii} = 1.743 \text{ ms}$$

- PI regulator brzine vrtnje u vanjskoj petlji projektiran je prema krivuljama pokazatelja kvalitete upravljanja, čime se postiže brža i bolja kompensacija poremećajne veličine u odnosu na projektiranje regulatora primjenom tehničkog optimuma. Tako dobiveni parametri iznose:

$$K_{c\omega} = 44.9, \quad T_{i\omega} = 11.76 \text{ ms}$$





## Signalna adaptacija s referentnim modelom

- Za postizanje nadvišenja signala povratne veze brzine vrtnje od  $\sigma_{m\omega} = 10\%$ , u granu referentne vrijednosti dodaje se filter prvog reda s jediničnim pojačanjem i vremenskom konstantom  $T_f = 1.96$  ms.
- Odzivi referentnog modela te mjerene brzine vrtnje i struje armature elektromotornog pogona bez i sa adaptacijom dani su na sljedeće dvije slike.





# Signalna adaptacija s referentnim modelom

- Odzivi za moment inercije  $J = 0.5 J_n$ .



# Signalna adaptacija s referentnim modelom

- Odzivi za moment inercije  $J = 2 J_n$ .



# Signalna adaptacija s referentnim modelom

- Iz odziva je očigledna superiornost adaptivnog regulatora s referentnim modelom i signalnom adaptacijom naspram PI regulacije pri promjeni momenta inercije pogona.
- Maksimalno odstupanje odziva mjerene brzine vrtnje od referentnog modela ne prelazi 3% s algoritmom signalne adaptacije, dok je isto odstupanje s PI regulatorom oko 30% za obje promjene momenta inercije.
- Propadi brzine vrtnje pri djelovanju poremećajne veličine su za red veličine smanjeni korištenjem adaptivnog regulatora, uz neznatno povećanje maksimalne vrijednosti struje armature.



# MRAS zasnovan na teoriji hiperstabilnosti

- **Sistem sa zatvorenom povratnom vezom kod koga se u direktnoj grani nalazi linearni stacionarni sistem, a u povratnoj nelinerani nestacionarni sistem koji zadovoljava nejednadžbu Popova je globalno asimptotski stabilan ako je:**

$$\operatorname{Re}(G(j\omega)) > 0$$

$$\int_0^t \nu^T(\tau) \mu(\tau) d\tau \geq -\delta, \quad \forall t > 0$$

**Kriterij hiperstabilnosti  
Popova**


gdje su:  $\delta$  - pozitivna konstanta,  $\mu$  - izlazna varijabla nelinearnog dijela sistema,  $\nu$  - izlazna varijabla linearnog dijela sistema.





# MRAS zasnovan na teoriji hiperstabilnosti

- Struktura sistema



- Opis sistema:

$$\begin{aligned} \dot{\mathbf{e}} &= \mathbf{A}_M \mathbf{e} + \mu_1 \\ \mathbf{v} &= \mathbf{d}^T \mathbf{e} \end{aligned}$$



# MRAS zasnovan na teoriji hiperstabilnosti

- Linearni dio sistema:

$$\boldsymbol{v}(s) = \mathbf{G}^T(s) \boldsymbol{\mu}_1(s) = \mathbf{d}^T (s\mathbf{I} - \mathbf{A}_M)^{-1} \boldsymbol{\mu}_1(s)$$

- Nelinearni dio sistema:

$$\boldsymbol{\mu} = -\boldsymbol{\mu}_1 = (\mathbf{k}_p^T(t, \boldsymbol{v}) - (\mathbf{A}_M - \mathbf{A}))\mathbf{x} + (\mathbf{b}k_d(t, \boldsymbol{v}) - \mathbf{b}_m)u_r(s)$$

- Linearni dio sistema obuhvaća vektor težina koeficijenata pogreške (postavljanje nula funkcije prijenosa linearnog dijelasistema) i potpuni vektor stanja.
- Nelinearni dio obuhvaća algoritam adaptacije.

